





A MAXIMO BENELLIO HABITA
IN ECCLESIA REGIEN: IN FVNERE

FRANCISCI

MARTELLI

EPISCOPI RE-

GIEN: ET PRINC:

XV. KAL. APRILIS M.D.LXXVIII.



*Herculianus Bartholus Excudebat Regij.
De licentia Superiorum.*



A. J. HARRIS & SONS
100 N. 1ST ST. ST. LOUIS, MO.

THE AMERICAN

MARTIN

RESCUE

OF THE
SOUTH AFRICAN



THE AMERICAN
MARTIN



VXIT nobis , Ciues Optimi , Apostolorum numerū , nouus Apostolus (dux enim mihi sermonis sit Gregorius Philosophus) qui iā tum in Apostolorum numerū cooptatus esse creditur, cum ad Pōtificis munus in hac ciuitate obeūdum missus est : & cum post muneris functionē ad cōlestem

Hyerusalem euectus , corona immortalitatis donatus est , cæpit inter Apostolos iam fulgere , ac vna cum eis super duodecim sedes collocatus , tribus Israel iudicaturus , secundum filii hominis aduentum expectare . Nam sancti morib⁹ similem ad se ptraxerunt : corde puri animo castum ad Angelos deduxerunt : æternæ sapientiæ ministri præconem veritatis ad verbum principii expers suspiciendum euexerunt . Verū Pōtifex quidem noster Apostolici contubernii , & diuinitatis spectaculi nomine beatus hēndus est , cum iam id , quod expetebat affecutus sit ; Nos vero tali parente orbatī omnium miserrimi censendi sumus . Illi certe melius erat dissolui , & esse cum Christo ; at nobis acerbum est , & permolestum paterno præsidio , & patrocinio carere ; & Ecclesiæ luctuosum ornamento , & decore præcipuo priuari . Ecce enim tempus adest , quo consueuerunt homines expiationis sacramento cōtractas criminū maculas abluerē , & summo Deo reconciliari ; & is , qui medius inter nos , & Deum constitutus , nos fere manibus apprehensos cum illo coniungebat , solus ad cœlum profectus est . Ecce tempus illud adest , quo patres Domini nostri passionis , resurrectionisquē memoriam celebrari voluerunt , ac multa per Pontifices peragi , quæ alii Sacerdotes exercere nequeunt ;

& Ecclesia nostra, tanquam sola, & penitus derelicta, in lacrymis, & squallore posita est. Vellem in aliquam speculam ascendere, & vocem eiusmodi emittere, quæ dolorem nostrum non huic tantum Ciuitati, sed toti etiã Italiae, si fieri posset, patefaceret; posteaquàm quò magis miseras nostras explicamus, eò maiorem consolationem maniscimur; & qualem virum amiserimus, etiam remotissimis gentibus indicamus; quandoquidem fletus noster, & dolor facile excusari potest, cum non sine causa eum à nobis susceptum esse omnes intelligunt. Faciam certe quod potero, tentabo paucis verbis mores, & vitã tanti Pontificis adumbrare, vt perspiciatur, non modo nos eius obitu meritò affligi, & cruciari, sed cœlum etiam tanto illustratum ornameto gaudere; penitusquè nobis compertum sit, illum ad sublimiorem patriam migrasse, vt beatus effectus laborum præmia reportaret. Tam ardui vero laboris est, huius viri encomium contexere, vt non solum me, qui neque vsu satis, & ingenio parum possum, cōfundat, sed disertissimos, & in dicendo maxime exercitatos defatigare possit. Ne expectetis itaque, vt ea omnia, quę dicenda erant, eloquar. illa enim sola mea prosequet̃ oratio, quæ & tempus patietur, & vires ferent, ac memoria suppeditabit. Et quidem peruulgata illa, quibus humi defixi homines efferri solent, prætermittam, patriam scilicet percelebrem, parentes integritate insignes, familiam nobilem, & splendidam, corporis naturales dotes; quę omnium oculis exposita patent, & sancti viri cōtemnunt, ac mūdi sapientes nulla laude digna esse censent; cum aliorum potius, quàm nostra esse dicant: quid enim honoris inde consequitur, quia Marcum, qui summorum Pontificum quęsturam sæpius exercuit, patrem

trem habuerit, & ex Catherina femina primaria ex nobilissima Taculorum familia orta, natus sit; cum Deum verum patrem agnoscat? Quomodo non ferè turpe est velle eum laudare, quòd eius propinqui, & agnati fuerint, Franciscus alter huius Ecclesię Canonicus, & aliis ecclesiasticis dignitatibus ornatus, & agnati honestissimi adhuc Florentiæ in maximo dignitatis loco positi; cum fratres, & cognatos numeret Apostolos, & alios sanctos regni æterni heredes? Quis erit tam expers iudicii, vt illum gloriari arbitret, q̃ in hac ciuitate natus sit antiquitate, nobilitate, & rebus gestis nulli ferè alii inferiore; cum Hyerusalem coelestem pro vera patria agnoscat? Quod igitur ipsius proprium est, in virtutib⁹, honestis studiis, & laude dignis actionib⁹ semper ita versatus est, vt eius splendor totam Italiam, ac Germaniam illustrauerit, summis Principibus semper charissimus extiterit, & amplissimos honores consecutus, æternum patriæ nostrę ornamentum pepererit. Nam cum primum extremæ pueritiæ annos ingressus est, tam legum, quàm aliarum facultatum disciplinam tanto studio complexus est, vt vix vigesimum primum annum agens subtilissima problemata publicè disputando in hoc loco tutatus sit; & mox cum ingenti non modo Iurisconsultorum, sed totius etiàm Ciuitatis applausu, Iurisconsulti dignitatem suscepit. Ex quo factum est, vt cum tam scientiæ, & ingenii, quàm innocentia, integritatis, & aliarum eius virtutum fama Romam puenisset, & iam in diuinarum etiam rerum studiis ita pcessisset, vt cum quocumquè eruditissimo, ac disertissimo viro posset differere; Vgo Rangonus Regien. Episcopus à Clemente vii. Pontifice Max. electus, vt in Germaniam Legatus proficisceretur, hæresum causa, quæ illam prouinciā

pene

penè totam infecerant, haberetquè potestatem sanctitate,
& doctrina præstantes viros, quos elegisset, secum ducen-
di, neminem ipsi Francisco Martello præferendum duxerit.
Nam vt erat acerrimi iudicii, & acutissimi ingenii vir, per-
spexerat duo potissimum in eo exigì, qui esset cum hæreti-
cis disceptaturus, doctrinam scilicet cum eloquentia con-
iunctam, & honeste vitam actam, cui nihil turpitudinis obii-
ci posset; in quorum vtroque ita excellere Franciscum co-
gnouerat, vt is solus eius desiderio satisfacturus videretur;
virtute itaque, scientia, prudentia, & dexteritate eius viri
effectum est, vt multi, qui ab orthodoxa fide, & Ecclesia Ro-
mana defectionem parabant, in officio retenti sint; & non-
nulli Principes, qui hæresis venenum hauserant, ad sani-
tatem redierint. Quamobrem Summus Pontifex, vt Vgo-
nis tantorum meritorum magnitudinem aliquo insigni be-
neficio remuneraret, illum Urbis pfectum designauit, tra-
dēs ei totius ciuitatis Romanæ administrationem, q̃ agno-
scens id totum ipsi Francisco acceptum ferendum esse, cu-
ius innocentia, & doctrina totum Germaniæ negotium illi
ex sententia successerat, eum auditorem elegit. Quod offi-
cium nemo prius obtinuerat, qui ætate iam non valde pro-
cessisset; cum summa negotia, ac numero ferè infinita ab il-
lo cognosci, ac perfici soleant. Ita vero se gessit, dum illo
munere fungere, vt odiosum alioquin officium populare
effecerit, ac summorum hominum beneuolētiam sibi con-
ciliauerit. Cum autem aliquot annos illum magistratum
gessisset, Regium reuersus est, tū vt vires corporis sui as-
siduis laboribus penè destructas reficeret, tū vt quieto
animo sacrorum Canonum, & rerum diuinarum studia in-
termissa recoleret. Sed hac quietà vita perfrui breuissimo
tempo-

tempore p̄missum est, non poterat enim tanti viri splendor, & dignitas in tenebris delitescere, oportebatq; hominem ad alios regendos natum in muneribus publicis continenter versari. Nam cum Baptista Grossus ad huius Ecclesiæ gubernaculum ascendisset; auctoritate, & precibus Franciscum induxit, vt Vicarii munus obiret, cum p̄sertim eo tēpore vix vnquā posset ipse diuersis negotiis impeditus in ciuitate, vel diœcesi habitare. Accidit deinde, vt Ludouicus Beccatellius à Iulio iii. Pontifice Max. Venetias Legatus mitteret, & hic quoq; tum demum aliquid laude dignum se effecturum sperauit, si Franciscum sibi adiunxisset, ipso summis p̄cibus vix impetrato (perdifficilem enim se p̄bebat Episcopus in illo dimittendo) tam bene illi negotium successit, vt & non mediocre premium legationis reportauerit, & Franciscus ipse in maxima tū Romæ, tū Venetiis existimatione fuerit. Dumquē Regium reuersus iterū Episcopi Grossi vices gereret, eius virtutes admiratus Hercules II. Ferrariæ Dux eum ad se vocauit, vt ciuitatis illius Pontificatum administraret Aloysio filio adhuc in primis adolescentiæ annis constituto commissum, & mox cum idem Aloysius in amplissimum Cardinalium collegium cooptatus esset, Franciscum apud se in summo honore habuit. Nam, & eius consilio in rebus grauioribus utebatur, & cum ipso res magis arcanas, & maioris momenti communicabat; donec Alphonfus frater Serenissimus Dux ad illum dignitatis gradum ipsum extulit, quo nullum maiorem Principes habent, quo scientia, & innocentia insignes viros cohonestent. Nam in consilium illud cooptauit, in quo grauissima omnia totius huius Imp̄ii negotia tractari, & explicari consueuerunt. Tantum enim
illius

illius prudentiæ, & integritati tribuebat, vt putaret tum de-
mum populos sibi ſubiectos ſœlicès fore, ſi huius viri con-
ſilio regerentur; ſæpe eius opera tum Romæ apud Pontifi-
ces, tum Venetiis apud illam Rempub. ita ſœliciter vſus
eſt, vt non potuerit non ſemper de tanti viri ornamentis co-
gitare. Quare operam dedit, vt Pius V. ſummus Pontifex
ad Carpenſis Eccleſiæ regimen illum eueheret, qui etiã
prius Raгуſii Archiepiſcopatum illi obtulerat. Hic vero
adeò eius ſanctitas reſplenduit, vt ad aures Gregorii, q̃ nũc
Eccleſiæ Dei præſidet, & prius etiã illius integritatem pla-
nè nouerat, illa peruenerit, qui cupiens virtutes tantas non
in vnius oppidi ambitu contineri, ſed latiffimum habere
campum, per quem diſcurrerent, Ciuitatis huius Epiſco-
patum longe, latequè diffuſum, ac Prouinciæ potius, quàm
diœceſis vnius ciuitatis ſimilem, permultis inſignibus op-
pidis, & amplis regionibus illuſtrem, eius fidei commiſit;
ſperans tam Ciuitatem, quam illi ſubiecta loca maximam
ex eius gubernatione vtilitatem perceptura; nec eum ſpes,
quam cõceperat, ſefellit. Nam vt primum ciuitatem Fran-
ciſcus attigit, paruam tum ætatis iam proeectioris, tum im-
becillæ corporis conſtitutionis rationem habens, diligen-
ter ſpectare cæpit, quæcumquè lapſa remedio indigebant;
atq; ea charitate potius paterna, quàm grauioribus verbis
correxit, & ad veterum patrum normã reduxit; vitia, ſi quæ
in clero erant, ſe ipſum exemplum præbens, cohibuit; ope-
ram dedit, vt diuini ritus eò quò debebant modo perfice-
rentur; curauit, vt Sacerdotes non minus doctrina, quàm
vitæ honeſtate ſplenderent; ac in primis, vt noua ſemper
germina creſcerent, quorum virtutes, & ſcientiæ opportu-
nos fructus huic Eccleſiæ ſuppeditarent: laborauit, vt cle-
rici

rici rectè instituerent, & in sanctis, honestisque disciplinis
exercerent; valdequè gestiebat, cum videbat eos profice-
re, quamvis eius ætatis esset, ut nūquàm speraret se fructus
inde profecturos in terra degentem spectaturum. Iā quàm
liberalis in pauperes fuerit, quàm remotus ab omni cu-
piditatis labe, thesauri, quos in cœlo collocavit potius, q̃
hic cumulavit, testant; lustravit diœcesim suam cum maxi-
mo incommodè valetudinis periculo, & parua habita pro-
uectioris ætatis ratione: cultum Dei, & Sacerdotum officia
in omnibus eius partibus restituit: templa, vel collapsa, vel
ruinam minantia construi, ac refarciri curavit: pluraquè
duobus annis, quibus hanc Ecclesiam rexit, quàm alius qu-
libet longissimo effecisset spatio, transegit. Cum eius actio-
nes memoria repeto, & postea sanctorum Pontificum gesta
contemplor, in eam necesse est mihi venire opinionem, ut
illum credam vitæ integritate, & erga Deum pietate nemi-
ni illorum concessisse. Laudantur Augustini contra hære-
ticos reportatæ victoriæ; Ambrosii in defendenda Ecclesiæ
libertate animi magnitudo; Basilii in summis diuitiis pau-
pertas, carnis integritas, ac dulcis facundia; Chrisostomi
acer animus, & variis aculeis prædita oratio, ad profligan-
da auditorum vitia prorsus accommodata; Athanasii in or-
thodoxa fide defendenda constātia, & laborum, periculo-
rumquè perpeffio; Hilarii, quam inimici etiā fidei suspi-
ciebant, gravitas, & apud omnes auctoritas; Maximi in af-
flictos homines commiseratio, ac promptè, dùm offereba-
tur occasio, auxilium exhibitum; Prosperi in eos qui deli-
quissent, summa clemētia, & propriarum iniuriarum con-
temptus. Franciscus vero noster ea omnia itā propria effi-
cere studuit, ut nihil fuerit, in quo non excelluerit. Nam

B

pruden-

prudētia non rectē de fidē sentientes inuestigauit; doctrīna refutauit; exemplo, & auctoritate in recta opinione confirmauit; Ecclesiis, & Sacerdotibus honorem, ac libertatem debitam conseruauit; vitia repressit; itā diuitias spreuit, vt nemo vnquā in illo extiterit liberalior; voluptatum illecebras domuit; nullum pro grege suo periculum vnquā recusauit; calamitates hominum deplorabat, & quam poterat eis faciebat medicinam; summum patrem imitatus, libenter pœnas illis condonabat, qui post crimina perpetrata aliquam vitæ emendandæ spem ostendebant; cauebatq; præsertim, ne illos pœnis afficeret, qui in ipsum deliquissent. Bonum itaq; certamen certauerat, ac tempus aderat, quo eum summus Iudex ad coronam accipiendam vocaret, sed oportebat diuina officia, assiduas preces, exemplum nobis exhibitum dissolutioni corporis sui causam præbere. Dum itaq; quotidie ad templum proficisceretur, sacra faceret, ac publicas horas canonicas audiret, aere maxime turbido, ac corporis sui habitudini vehementer contrario existente, leuem morbum contraxit, ac post paucos dies omnibus sensibus integris, sacramentis perceptis, nullam molestiam sentiens, animam Deo, qui illam condiderat, & redemerat, tradidit; magna eo tēpore, & admiranda res contigit; nam, cum iam nihil loqueretur, & resolutio ipsa instaret, subito soluta lingua, vox audita est, hāc ecclesiam Deo cōmendans, & simul eidem animam propriam cōmittens: ex quo cognitū est, illum ad perfectæ charitatis culmen ita ascendisse, vt nō minus nos omnes, quā animā propriam dilexerit; quandoquidem extrema eius verba æquē vtrāq; Deo cōmendauerunt. Et ille quidem ad Apostolorum cœtum cōmigravit; nos verò omnes in lacrymis, squalore, & gemitu

gemitu positos dereliquit adeò , vt sicut nullũ maius gaudium vnquàm nobis contigit eo , quod percepimus , cum Põtificem nostrum illum factum esse intelleximus , ita nullus magis funestus dies illo extiterit , quo corpus eius exanguie in templo positũ conspeximus . O' nobis acerbum spectaculũ , cum capite nro vnà adempta sunt honorata , & dignitate : præstantia ecclesiæ ornamenta ; Omnia iacēt , omnia in tenebris versantur , oĩa mœrore confecta sunt . Vbi dulcis illa oculorũ serenitas ? vbi iucundus ille , ac lepidus aspectus ? vbi comis illa , & ad salutandum facilis dextera , quæ vna cum oris benedictione digitos intentare consueuerat ? miseret me tui ò Ciuitas adhuc fœlix , repentinę ac subitæ huius mutationis nomine . Vt adẽptus est decor ? vt detractus est ornatus ? vt repẽte flos defluxit , gramen decidit , radix exarcuit ? O malũ naufragium , quomodo in medio spei nostræ portu iacturam fecimus ? vbi splendidũ illud velum , quod Spiritusanto semper dirigebatur ? vbi tutũ , ac firmũ animarum gubernaculum ? vbi immobilis , & firma sententiæ , iudicii quẽ anchora ? vbi bonus ille gubernator , qui ad cœlestem Hyerusalem nauigium deducebat ? Quis dabit mihi fontem lachymarum , vt satis defleam Pastorem , Doctorem , & parentem amissum ? ac vna cum eo omnes penẽ defecissẽ virtutes doleam ? Sed quantuscunq; sit dolor , ac luctus noster ; maius certẽ est gaudium , quò in cœlo Sancti exultant ; quem enim nos mortalem , & humanis calamitatibus obnoxium amisimus , illi immortalem , & nulli corruptioni subiectum exceperunt ; quem hæc militans Ecclesia omnino post paucos dies interiturum , citiũs quàm optabat obeuntem conqueritur , illum eundem triumphans Ecclesia ex mundi miseriis ereptum læta complectitur .

Sed quæso, ciues optimi, nostram in terris positam, & cœlestem illam Ecclesiam vnitatem coniunctam sub vno Christo capite, & reipsa indiuisam, affectu & voluntate non diuidamus; & posteaquàm æquius est nos eius voluntati, & sententiæ, quæ errare non potest, quàm illam nostræ acquiescere, vna cum ipsa gaudeamus: non enim Pastorem nostrum amissimus, sed præmissimus; non ille nos dereliquit, sed pro nobis apud Deum legati munere fungitur; ac maiora Ecclesiæ huic impetrat beneficia, quàm ab eo in terris degente vnquàm sperare ipsa potuisset; ne turbemus lacrymis nostris eius fœlicitatem; sed vt veri filii, & amici, partam gloriam ei lætis animis gratulemur: lugendi namque sunt illi, qui ad infernas sædes deturbantur, non qui ad cœlestem patriam, quam semper exoptauerunt, euehantur. Quod vel imprimis Pontifici vestro contigisse, quis amplius vnquàm dubitabit? cum tam firmiter intellectum suum iis assentiri coegerit, quæ fidelibus suis credenda sancta proponit Ecclesia, vt ne diligentius quidem inquirendi gratia de illis vnquàm controuersiam haberi sustinuerit: cum charitatis ardore erga Deum, & homines ita succensus semper fuerit, vt nihil vnquàm in amore fuerit ardentius; cum virtutes omnes ita sit complexus, vt ab earum præscripto ne latum quidem vnguem vnquàm recesserit: cum se in hunc inferiorem orbem missum fuisse assidue cogitans, non vt desidiæ se traderet, sed vt ea faceret, quæ post victoriam cœleste premium ipsi impetrarent, nunquàm ociosus fuerit; sed ad extremam vsquè senectutem se tam in diuinæ scripturæ studiis, quàm in sanctis, & omnium vtilitatem respicientibus actionibus exercuerit. Arbitror equidem tacitè Deum ipsum animos nostros in eam sententiam

rentiam inducere voluisse, vt crederēt illum iām cum Angelis regnare; posteaquā qui in lachrymis positi, & mœrore ferè confecti eramus, dum eum propinquum corporis dissolutioni esse spectabamus, eodē hinc discedente repente ferè inuiti tristitiam in gaudium cōuertimus; ac eius funus duximus non veluti hominis, quem amisissēmus, sed tāmquam sancti, cuius preciosas reliquias deferremus.

Cui enim ignotus fuit totius populi ad pompam illam, tāmquā ad honestissimum triumphum concursus? quis non cum summa admiratione conspexit non modo viros graues, sed mulieres etiā & pueros summa cum pietate, & reuerentia ad eius corpus in Ecclesia positum videndum, & honorandum confluere? Vbi aliqui gaudebant vestem tantum contrectare, aliqui efficere curabant, vt oraria saltem eius manibus tangerentur; illi vero fœlices videbant, quibus permissum erat, genua amplexari, & os, manusuē exosculari. Nemini etiā dubium esse potest, eandem celebritatem in cœlo contigisse, cuius vel hoc potissimum argumentum esse potest, quod cum iis diebus ægrotasset, quibus Ecclesia ob peccata commissa luget, ieiuniisque, & orationibus operam dat, vt illis deletis ad sanctum Pascha celebrandum se præparet, illo die animam Deo tradidit, quo eadem Ecclesia interim mœrorem deponit, dum ciuitatis sanctæ lætitiā prædicat, nosquē omnes ad gaudium excitat. Nec sine causa factum est, vt ille dies, alio etiam ornamento splenderet, cum quadraginta militum martyrio esset consecratus, quos à Deo impetrasse crediderim, vt ipsorum celebritati hunc decorem adiūgeret, vt quo die ipsi mortem pro Christo obierant, eodem Pōtifex hic sanctissimus sarcinam corporis deponeret, vt spiritus ad eundem

dem Christum euolaret. Habes ò sacrum & venerandum caput, quod extremum tibi in hac Ecclesia debebatur officium à me præstitum, sermone quidem miras tuas virtutes non assequente, sed à beneuolentia tamen singulari proficiente: oportebat enim, vt quos tamquàm nouos Ecclesiæ flores excolebas, ac ad id eruditionis perducere cupiebas, vt possent in Ecclesia tua sermonem habere, vni ex eis te ipsum sermonis argumentum præberes: quem tibi gratiorem fore arbitror, quàm si corpore adhuc circumdutus illum hic audires: cum supra nos positus, nos melius intuearis, & maiore igne charitatis erga nos exardescas. Impetra nobis à Deo tui similem Pastorem, quod si preces tuæ sufficere non videbuntur, adhibe tecum Prosperum, & Maximum, qui eandem Ecclesiam rexerunt; vt sicut illorum precibus effectum est, vt te Pastorem habuerimus, ità eisdem cum tuis coniunctis, alium Pontificem animæ tuæ imaginem referentem nanciscamur.

Explicit Oratio.



